



পশ্চিমবঙ্গ সরকার
শিশু বিকাশ প্রকল্প আধিকারিকের করণ
চাঁচল-২ সুসংহত শিশু বিকাশ সেবা প্রকল্প
চাঁচল-২, মালদহ
Chanchal2.icds@gmail.com

স্মারকসংখ্যা: ৬৩/আই সি ডি এস/ সি এফসি-২-২৪

তারিখ: ২৭/০২/২০২৪

বিজ্ঞপ্তি (NOTICE)

চাঁচল-২ সুসংহত শিশু বিকাশ সেবা প্রকল্পের অঙ্গনওয়াড়ি সহায়িকা পদ থেকে অঙ্গনওয়াড়ি কর্মী পদে পদোন্নতির জন্য কেবল মাত্র উক্ত সুসংহত শিশু বিকাশ সেবা প্রকল্পে যে সকল অঙ্গনওয়াড়ি সহায়িকা ন্যূনতম ৫ (পাঁচ) বছর নিরবচ্ছিন্নভাবে উক্ত পদে কর্মরত, তাঁদের নিকট হতে নিম্নলিখিত শর্তে আবেদন পত্র আহ্বান করা হচ্ছে। এই নিযুক্তি সম্পূর্ণরূপে স্বৈচ্ছাসেবামূলক। এই কাজে নিযুক্ত কর্মী কোন মতেই সরকারী কর্মীপদে গণ্য হবেন না। অঙ্গনওয়াড়ি কর্মীদের সরকার অনুমোদিত হারে প্রতি মাসে সাম্মানিক ভাতা সহ অতিরিক্ত ভাতা প্রদান করা হবে। বর্তমানে অঙ্গনওয়াড়ি কর্মীদের চালু সাম্মানিক ভাতার পরিমাণ মাসিক ৪৫০০/- টাকা ও অতিরিক্ত ভাতার পরিমাণ মাসিক ৩৭৫০/- টাকা।

শূন্য পদ অনুযায়ী সংরক্ষণ বিন্যাস:

মোট শূন্য পদ	অসংরক্ষিত (UR)	তপশিলী জাতি (SC)	তপশিলী উপজাতি (ST)
২৫	১৯	৫	১

আবশ্যিক শর্তাবলী:

ক) ন্যূনতম শিক্ষাগত যোগ্যতা: আবেদনের তারিখটিকে ভিত্তি করে অঙ্গনওয়াড়ি কর্মী পদে নিয়োগের ক্ষেত্রে যে কোনো স্বীকৃত বোর্ড (Recognized Board) থেকে **মাধ্যমিক** বা সমতুল্য পরীক্ষায় উত্তীর্ণ হতে হবে (সাধারণ, তপশিলী জাতি, তপশিলী উপজাতি- সকলের ক্ষেত্রেই প্রযোজ্য)। উচ্চতর শিক্ষাগত যোগ্যতা প্রার্থীপদের ক্ষেত্রে কোন অন্তরায় হবে না, কিন্তু কোন অঙ্গনওয়াড়ি সহায়িকা যদি পূর্বে অঙ্গনওয়াড়ি সহায়িকা পদে আবেদন করার সময় নিজের শিক্ষাগত যোগ্যতা গোপন করে নিয়োগপ্রাপ্ত হয়ে থাকেন তাহলে তাঁর আবেদনপত্র বিবেচনা করা হবে না। প্রার্থীকে মৌখিক পরীক্ষার আগে এই মর্মে হলফনামা দিতে হতে পারে।

খ) বয়স: ০১/০১/২০২৪ তারিখটিকে ভিত্তি করে ৬৫ বছর বয়স পর্যন্ত, ন্যূনতম পাঁচ বছর নিরবচ্ছিন্ন সহায়িকা পদে কাজ করেছেন এমন অঙ্গনওয়াড়ি সহায়িকা আবেদন করতে পারবেন। তবে অবসরপ্রাপ্ত অঙ্গনওয়াড়ি সহায়িকা এক্ষেত্রে আবেদন করতে পারবেন না বা ভবিষ্যতে নিয়োগপ্রাপ্ত হবেন না।

গ) স্থায়ী বাসিন্দা সংক্রান্ত শর্ত: স্থায়ী বাসস্থান সংক্রান্ত প্রমাণপত্র হিসাবে প্রার্থীর ভোটার কার্ড (EPIC) বিবেচনা করা হবে। যদি কোনো প্রার্থীর ভোটার কার্ড (EPIC) না থাকে, তাহলে সেই প্রার্থীর স্থায়ী বাসিন্দা হওয়ার প্রমাণপত্র হিসাবে প্রার্থীকে দেওয়া সংশ্লিষ্ট লোকসভার সদস্য/ জেলার সভাধিপতি/ সংশ্লিষ্ট এলাকার বিধায়ক/ জেলা শাসক/ অতিরিক্ত জেলা শাসক/ সংশ্লিষ্ট মহকুমা শাসক/ সংশ্লিষ্ট পঞ্চায়েত সমিতির সভাপতি/ সংশ্লিষ্ট সমষ্টি উন্নয়ন আধিকারিক/ সংশ্লিষ্ট গ্রাম পঞ্চায়েতের প্রধান/ সংশ্লিষ্ট পৌরসভার চেয়ারম্যান/ সংশ্লিষ্ট পৌরসভার কাউন্সিলর কর্তৃক প্রদত্ত সচিব শংসাপত্র বিবেচিত হবে। প্রসঙ্গত, যে কোনো সফল নির্বাচিত প্রার্থীকে তাঁর পদে যোগদান করার আগে অবশ্যই তাঁর ভোটার কার্ড (EPIC) পেশ করতে হবে। অন্যথায় তাঁর নিয়োগ/যোগদান গৃহীত/অনুমোদিত হবে না। প্রার্থীকে অবশ্যই এই সুসংহত শিশু বিকাশ সেবা প্রকল্পের অন্তর্ভুক্ত এলাকার স্থায়ী বাসিন্দা হতে হবে অর্থাৎ আবেদনকারীকে **চাঁচল-২ পঞ্চায়েত সমিতির** অন্তর্গত যে কোন গ্রাম পঞ্চায়েতের স্থায়ী বাসিন্দা হতে হবে।

ঘ) অভিজ্ঞতা: ০১/০১/২০২৪ তারিখটিকে ভিত্তি করে প্রার্থীর অভিজ্ঞতার সময়সীমা নিরূপণ করা হবে।

ঙ) পরীক্ষা: সকল আবশ্যিক শর্তপূরণের সাপেক্ষে যোগ্য আবেদনকারীদের পরীক্ষার মাধ্যমে নির্বাচিত করা হবে। মোট নম্বর ৫০ হবে, যার মধ্যে লিখিত পরীক্ষায় ৩৫ নম্বর, অভিজ্ঞতার ক্ষেত্রে সর্বোচ্চ ১০ নম্বর (০১/০১/২০২৪ তারিখের সাপেক্ষে ৮ (আট) বছর বা তার ঊর্ধে নিরবচ্ছিন্নভাবে সহায়িকা পদে কাজ করলে ৫ (পাঁচ) নম্বর এবং ১১ (এগারো) বছর বা তার ঊর্ধে নিরবচ্ছিন্নভাবে সহায়িকা পদে কাজ করলে ১০ (দশ) নম্বর) ও মৌখিক পরীক্ষায় ৫ (পাঁচ) নম্বর। এক্ষেত্রে নিয়োগের পূর্বে নিম্নস্বাক্ষরকারীর করণ থেকে প্রার্থীর কাজের অভিজ্ঞতা যাচাই করে নেওয়া হবে। যাচাই প্রক্রিয়ায় ব্যর্থ হলে সেই প্রার্থীকে অঙ্গনওয়াড়ি কর্মী পদে নিয়োগ করা হবে না।

লিখিত পরীক্ষার পাঠ্যক্রম নিম্নরূপ:

- ১) পাটিগণিত (দশম শ্রেণীর মানের) - ১০ (দশ) নম্বর
- ২) পুষ্টি, জনস্বাস্থ্য, নারীর সামাজিক অবস্থান বিষয়ক প্রশ্নঃ ১০ (দশ) নম্বর
- ৩) ইংরেজি ভাষা (দশম শ্রেণীর মানের) - ১০ (দশ) নম্বর
- ৪) সাধারণ জ্ঞানের প্রশ্নঃ ০৫ (পাঁচ) নম্বর

ইংরাজী ব্যতীত বাকি সকল প্রশ্ন বাংলায় হবে। সকল প্রশ্ন হবে মাল্টিপল চয়েস ধরনের। লিখিত পরীক্ষা হবে ১ (এক ঘণ্টার)। লিখিত পরীক্ষার ক্ষেত্রে কোনরূপ ন্যূনতম যোগ্যতা নির্ধারক নম্বর থাকবে না। লিখিত পরীক্ষা বা মৌখিক পরীক্ষায় অনুপস্থিত থাকলে সেই প্রার্থী অযোগ্য বলে বিবেচিত হবে। লিখিত পরীক্ষায় প্রাপ্ত ও মৌখিক পরীক্ষায় প্রাপ্ত ও অভিজ্ঞতার নিরিখে (Weightage of Seniority) প্রাপ্ত মোট নম্বরের ভিত্তিতে চূড়ান্ত মেধাতালিকা প্রস্তুত করা হবে। লিখিত পরীক্ষার ও মৌখিক পরীক্ষার তারিখ প্রবেশ পত্রের (Admit Card) মাধ্যমে প্রার্থীদের জানানো হবে। আবেদনকারী প্রার্থী লিখিত পরীক্ষায় উপস্থিত হলে তবেই তাঁকে মৌখিক পরীক্ষায় ডাকা হবে।

চ) সংরক্ষণ সংক্রান্ত শর্তাবলী: সংরক্ষিত পদের প্রার্থীদের ক্ষেত্রে নির্দিষ্ট শংসাপত্র উপযুক্ত কর্তৃপক্ষ দ্বারা প্রদত্ত হতে হবে। মৌখিক পরীক্ষার সময় শংসাপত্রের আসল দাখিল করতে হবে। শংসাপত্রের জন্য আবেদন জমা দেওয়ার রসিদ গ্রাহ্য করা হবে না। মৌখিক পরীক্ষার পূর্বে সংরক্ষণ সংক্রান্ত উপযুক্ত নথি জমা না করা হলে ঐ প্রার্থীকে অসংরক্ষিত পদের জন্য বিবেচিত করা হবে (অন্যান্য যোগ্যতামান সঠিক থাকলে)।
পশ্চিমবঙ্গের বাইরে থেকে জারি হওয়া তপশিলী জাতি/ তপশিলী উপজাতি শংসাপত্র এক্ষেত্রে গ্রাহ্য হবে না।

তপশিলী জাতি/তপশিলী উপজাতি সংশ্লিষ্ট প্রার্থীর কোলকাতা ব্যতীত বাকি পশ্চিমবঙ্গের ক্ষেত্রে মহকুমাশাসক কর্তৃক জারি হওয়া শংসাপত্রই একমাত্র গ্রাহ্য হবে। এক্ষেত্রে অন্য কোনপ্রকার শংসাপত্র গ্রাহ্য করা হবে না। কোলকাতা থেকে জারি হওয়া শংসাপত্রের ক্ষেত্রে জেলাশাসক, দক্ষিণ ২৪-পরগনা বা দায়িত্বপ্রাপ্ত অতিরিক্ত জেলাশাসক, দক্ষিণ ২৪-পরগনা বা জেলা কল্যাণ আধিকারিক, কোলকাতা (District Welfare Officer, Kolkata) ব্যতীত অন্য কোনপ্রকারে জারি হওয়া শংসাপত্র গ্রাহ্য করা হবে না।

ছ) আবেদন সংক্রান্ত শর্তাবলী ও আবেদন পত্র জমা করার সময় সীমা:

আবেদনকারীদের নিম্নলিখিত ওয়েবসাইটের মাধ্যমে অনলাইনে আবেদন জমা করতে হবে।

ওয়েবসাইট:

আবেদন করা শুরু তারিখ: ০১/০৩/২০২৪

আবেদন করার শেষ তারিখ: ৩১/০৩/২০২৪

অনলাইন দরখাস্ত করার সময়ে শুধুমাত্র নিম্নলিখিত প্রমাণপত্র সমূহের স্ক্যান কপি ওয়েবসাইটে আপলোড করতে হবে:

১) সাম্প্রতিক সময়ে (আবেদন করার তারিখ থেকে ছয় মাস পূর্বের সময়ের মধ্যে) তোলা প্রার্থী তথা আবেদনকারিণীর রঙিন পাশপোর্ট মাপের ছবি (Background white) (ছবির মাপ হতে হবে ২৫ কেবি থেকে ৫০ কেবি এর মধ্যে JPG/JPEG/PNG Format এ)

২) কালো কালিতে আবেদনকারিণীর সম্পূর্ণ স্বাক্ষর (সাইজ হবে ১০ থেকে ২০ কেবি এর মধ্যে JPG/JPEG/PNG Format এ)

৩) জাতিগত শংসাপত্রের স্বপ্রত্যয়িত কপি (প্রযোজ্য হলে)।

৪) শিক্ষাগত যোগ্যতার প্রমাণপত্র (স্বপ্রত্যয়িত কপি)-মাধ্যমিক বা সমতুল্য)


৫) স্থায়ী বাসিন্দার সচিত্র শংসাপত্র।

৬) আবেদন কারিণীর সহায়িকা পদের নিয়োগপত্রের স্বপ্রত্যয়িত কপি

জ)নির্ধারিত সময়ে সঠিক প্রার্থীদের সচিত্র প্রবেশপত্র (Admit Card) ডাউনলোড করা যাবে <https://maldaicdsrecruitment.in> পোর্টাল থেকে। পরীক্ষা কেন্দ্রে সঠিক প্রার্থীদের সচিত্র প্রবেশপত্রের (Admit Card) প্রিন্ট আউট এবং সচিত্র পরিচয় পত্রের যেকোনো একটির Original Copy সঙ্গে করে আনতে হবে। অন্যথায় তাঁদের পরীক্ষায় বসতে দেওয়া হবে না। পরীক্ষার তারিখ ও সময় উপরোক্ত ওয়েবসাইট/পোর্টাল-এ বিস্তারিত আকারে জানানো হবে।

বি: দ্র:

- কোন ভুল বা অসঙ্গত তথ্য দিলে বা উপরোক্ত কোন আবশ্যিক শর্ত লঙ্ঘন করলে আবেদন পত্র বাতিল বলে গণ্য করা হবে এবং এ বিষয়ে কোন কারণ দর্শানো হবে না। শুধু মাত্র নির্ভুল ও সঠিক আবেদন পত্রের ভিত্তিতেই পরীক্ষার প্রবেশ পত্র পাওয়া যাবে।
- পরীক্ষা কেন্দ্রে উপস্থিত হওয়ার জন্য কোনরূপ গাড়ী ভাড়া বা অপর কোন খরচ প্রকল্প কার্যালয় বহন করবে না।
- যদি প্রমাণিত হয় কোন প্রার্থী তাঁর নিয়োগের ক্ষেত্রে কোনরূপ প্রভাব বিস্তার করেছেন বা অসাধু উপায় অবলম্বন করেছেন, তাহলে কর্তৃপক্ষ তাঁর প্রার্থীপদ বাতিল করবেন। এ বিষয়ে কোন কারণ দর্শানো হবে না।
- যে কোন বিষয়ে বিতর্কের ক্ষেত্রে নিয়োগকারী কর্তৃপক্ষের সিদ্ধান্তই চূড়ান্ত বলে বিবেচ্য হবে। সেক্ষেত্রে কোন প্রার্থীকে তার প্রার্থীপদ বাতিল করার ক্ষেত্রে চূড়ান্ত সিদ্ধান্ত কর্তৃপক্ষই নিতে পারবেন।
- নিয়োজিত হলে প্রবীণত্ব (Seniority), নিয়োগের শর্ত, বদলি, ইত্যাদি ক্ষেত্রে নিয়োগকারী কর্তৃপক্ষের সিদ্ধান্তই চূড়ান্ত বলে বিবেচিত হবে।
- বিস্তৃতির লিখিত তথ্য মনোযোগ দিয়ে পড়ে তবেই আবেদন করবেন অন্যথায় আবেদনপত্রে ভুল থাকতে পারে। ভুল আবেদনপত্র বাতিল হবে। এজন্য কর্তৃপক্ষ কোনভাবেই দায়ী থাকবে না।



 শিশু বিকাশ প্রকল্প আধিকারিক
 চাঁচল-২ সুসংহত শিশু বিকাশ সেবা প্রকল্প
 চাঁচল-২, মালদহ

স্মারকসংখ্যা: ৬৩/১(২৬)/আইসিডিএস/ডি.এইচ-২-২৪

তারিখ: ২৭/০২/২০২৪

জ্ঞাতার্থে ও ব্যাপক প্রচারের উদ্দেশ্যে সংশ্লিষ্ট কার্যালয়ের নোটিশ বোর্ডে প্রদর্শনের অনুরোধসহ প্রতিলিপি প্রেরণ করা হল:

- ১) মাননীয়া অধিকর্তা (Director of ICDS), সুসংহত শিশু বিকাশ সেবা প্রকল্প, পশ্চিমবঙ্গ সরকার, শৈশালি ভবন, সেন্ট্রালেক, কলকাতা-৬৪
- ২) মাননীয়া অতিরিক্ত সচিব (Additional Secretary), পশ্চিমবঙ্গ সরকার, নারী ও শিশু উন্নয়ন ও সমাজকল্যাণ বিভাগ, বিকাশ ভবন, কলকাতা-৯১
- ৩) মাননীয়া সার্বিনা ইয়াসমিন, দায়িত্বপ্রাপ্ত মন্ত্রী, সেচ ও জলপথ পরিবহন, উত্তরবঙ্গ উন্নয়ন পর্যদপশ্চিমবঙ্গ সরকার, ও সহ-সভাপতি, ডি.এল.এস.এম.সি, মালদহ
- ৪) মাননীয়া সভাপতি, মালদা জেলা পরিষদ, মালদা
- ৫) মাননীয়া জেলা শাসক ও সভাপতি, ডি.এল.এস.এম.সি, মালদহ
- ৬) মাননীয়া নীহার রঞ্জন ঘোষ, বিধায়ক, চাঁচল ও সদস্য, ডি.এল.এস.এম.সি, মালদহ
- ৭) মাননীয়া অতিরিক্ত জেলা শাসক (উন্নয়ন), মালদা
- ৮) মাননীয়া মহকুমা শাসক, চাঁচল মহকুমা ও সদস্য, ডি.এল.এস.এম.সি, মালদহ
- ৯) মাননীয়া জেলা প্রকল্প আধিকারিক (আই.সি.ডি.এস.) ও সদস্য, ডি.এল.এস.এম.সি, মালদহ
- ১০) মাননীয়া জেলা তথ্য ও সাংস্কৃতিক আধিকারিক, মালদা
- ১১) মাননীয়া সভাপতি, চাঁচল-২ পঞ্চায়েত সমিতি, মালদহ
- ১২) মাননীয়া সমষ্টি উন্নয়ন আধিকারিক ও সদস্য, ডি.এল.এস.এম.সি, চাঁচল-২ ব্লক, মালদহ
- ১৩) মাননীয়া সমষ্টি স্বাস্থ্য আধিকারিক, মালতিপুর গ্রামীন হাসপাতাল ও সদস্য, ডি.এল.এস.এম.সি, মালদহ
- ১৪) মাননীয়া সহ কৃষি অধিকর্তা, চাঁচল-২ ব্লক, মালদহ
- ১৫) মাননীয়া সমষ্টি ভূমি ও ভূমি সংস্কার আধিকারিক, চাঁচল-২ ব্লক, মালদহ
- ১৬) মাননীয়া অতিরিক্ত পরিদর্শক (প্রাথমিক), খরবা চক্র, মালদহ
- ১৭) মাননীয়া পোস্ট মাস্টার, চাঁচল-২ ডাকঘর, মালদহ
- ১৮) মাননীয়া ভারপ্রাপ্ত আধিকারিক, চাঁচল থানা, মালদহ
- ১৯-২৫) মাননীয়া প্রধান.....গ্রামপঞ্চায়েত, চাঁচল-২ ব্লক, মালদহ (সকল)
- ২৬) কার্যালয়ের প্রতিলিপি।


 শিশু বিকাশ প্রকল্প আধিকারিক
 চাঁচল-২ সুসংহত শিশু বিকাশ সেবা প্রকল্প
 চাঁচল, মালদহ

০৫৭০ নং. ২/২